

Broj: 04/2-19-2-809/24
Sarajevo, 31.10.2024. godine

VLADA FEDERACIJE BOSNE I HERCEGOVINE
Generalni sekretarijat
Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 06-11-2024			
Org. jed.	Broj	Priloga	Vrijednost
05/1	-02-	560	/24

Predmet: Odgovor na zastupničko pitanje Suade Halilović, dostavlja se -,
Veza: Vaš akt broj: 03-04-1736-11/2024 od 25.10.2024. godine

Vezano za postavljeno zastupničko pitanje, gosp. Suade Halilović, koje je postavila na 14.redovnoj sjednici Predstavničkog doma Parlamenta Federacije Bosne i Hercegovine, održanoj 22.10.2024. godine, a koje glasi: „Koje su dugoročne ekološke posljedice na ekosistem rijeke Neretve usljed poplava, te kakvi su planovi za sanaciju ekoloških šteta?“, dajemo sljedeći:

ODGOVOR

Elementarna nepogoda koja je od 03. – 04.10.2024. godine zahvatila područje Federacije Bosne i Hercegovine prouzrokovana obilnim padavinama, čiji intenzitet je posebno bio izražen na području Općine Jablanica i Grada Konjica, izazvala je nesagledive posljedice po *ljudske živote i imovinu* na području Općine Jablanice i Grada Konjica, a posebno naselja Donja Jablanica i Buturović Polje.

Posljedice poplava i odrona, kao i aktivnosti na otklanjanju šteta na infrastrukturi i objektima Općine Jablanice i Grada Konjica, prioritet su u sanaciji nastalih šteta za dovođenje infrastrukture u funkciju kako bi se nastavio život na ovom području i koliko može u što kraćem roku obezbjedilo normalno funkcionisanje i obavljanje svakodnevnih poslova građana pogođenih područja, tako i funkcionisanje prometa ljudi i roba u ostale djelove Federacije BiH, kako prema jugu, tako i u suprotnom smjeru.

Nakon što se uklone velike količine nanosa i otpada, i izvrši popravka putne i željezničke infrastrukture, uradiće vjerovatno procjena ukupno nastale štete kao i posljedice na ekosistem rijeke Neretve i nastojati uporedo sa ostalim aktivnostima u nekom normalnom vremenu sanirati i popraviti nastalo stanje.

Jedna od posljedica nastalih štete je uticaj na sadašnji i budući rad hidroelektrana na Neretvi su ogromne količine plutajućeg nanosa (otpada) koji može prouzročiti nesagledive posljedice za rad hidroelektrana i samu sigurnost objekata.

Postupajući po odredbama Pravilnika o postupcima i mjerama u slučajevima akcidenata na vodama i obalnom vodnom području („Službene novine Federacije BiH“, broj 71/09, 102/18 i 70/24) izvršen je hitan inspekcijski nadzor i predložen II stepen ugroženosti i zadane mjere za postupanje Agenciji za vodno područje Jadranskog mora u skladu sa stepenom ugroženosti.

Nakon dobijenih informacija i izrečenih inspekcijskih nalaza i mjera Federalno ministarstvo okoliša i turizma u konsultacijama sa Federalnim ministarstvom energije rudarstva i industrije i Federalnim ministarstvom poljoprivrede, vodoprivrede i šumarstva podnijelo inicijativu i Vlada Federacije Bosne i Hercegovine je donijela Zaključak V.broj:1640/2024 od 30.10.2024. godine, a u cilju hitnog rješavanja posljedica i potrebe uklanjanja plutajućeg otpada nakon poplava, bujičnih voda i odrona na rijeci Neretvi i opasnosti po hidroenergetske objekte i naseljena mjesta nizvodno, zadužen je Fond za zaštitu okoliša Federacije Bosne i Hercegovine da po hitnom postupku izdvoji interventna finansijska sredstva u svrhu otklanjanja plutajućeg otpada na rijeci Neretvi i njegovog zbrinjavanja. Predviđen je iznosu od 200.000 KM, te naloženo Fondu da zajedno sa Agencija za vodno područje Jadranskog mora osigura provođenje hitnih mjera u svrhu realizacije predmetnih aktivnosti.

Nakon što se završe sve aktivnosti kako bi se pogođena naselja općine Jablanica i Grada Konjica što prije vratila u normalno stanje funkcionisanja i zivljenja, te otklonile opasnosti od novih nesreća prouzrokovanih posljedicama poplava, moći će se govoriti o dodatnoj procjeni nastalih ekoloških šteta i njihovom saniranju.

S poštovanjem,



MINISTRICA

dr. sc. Nasiha Pozder

Dostaviti:

- Naslovu,
- Predstavnički dom Parlamenta Federacije Bosne i Hercegovine, n/r Predsjedavajućeg,
- Arhivi.